

淳熙嚴州圖經

太宗皇帝初領防禦使詔

建隆元年正月甲子詔曰朕應天順人宅萬邦而建

號自家刑國睦九族以推恩皇第三弟新補殿前都

虞候太宗舊名擢秀本枝協謀興運自天鍾德秉文武之

才在邦必聞有孝弟之行屬茲勅業宜被寵光俾領

郡條兼提使印官階等爵式示等威徵鶴鳴之詩方

思於外禦董貌貅之衆用肅於內朝雖曰匪親不居

亦無生而貴者是膺歷試仍錫嘉名勉樹令猷永保

多福可特授光祿大夫檢校太保持節睦州諸軍事

行睦州刺史充本州防禦使兼御史大夫封天水縣

開國子食邑五百戶

太上皇帝初授節度使制

宣和三年十二月壬子制曰周封同姓以親賢式厚  
深根之固漢尊二等而立爵載圖磐石之安朕隆紹  
慶基端膺駿命永錫胙嗣肇開第室之榮對楊王休  
申畀國章之寵丕昭顯冊亶告羣工皇子檢校太保  
鎮海軍節度使開府儀同三司廣平郡王食邑九千  
四百戶食實封三千戶御日幹分暉珠潢疏潤斯干  
協吉茂嶷嶷之竒姿典命陳儀稱煌煌之華蒂聰達  
蘊自然之質藝文成不習之能詩禮雅言允迪聖門

之訓堯舜正道率循嚴傅之規既進冠以重嘉宜遵  
年而出閣班趨萬王行瞻極以來朝堂敞旅楹旣環  
宮而列邸載侈衷崇之數益彰振厚之風胙南土之  
山川佩真王之印綬面槐辨位聯保職於三公先乘  
啓行總戎麾於兩鎮併疇圭賦增渙渥恩於戲建國  
以親諸侯義重本支之盛述職以朝天子贊資蕃翰  
之良其祗服於朕辭以永綏於爾祉可特授太保遂  
安慶源等軍節度使進封康王加食邑一千戶食實  
封三百戶勳封如故

敕書

敕遂安軍宮吏軍人道士僧尼百姓等朕以御粹質  
幼蘇異材夙就蚤遵年而親傳既筮日以字成出閣  
造朝環宮開邸寵進上公之秩雄兼兩鎮之權制勝  
壞於浙江殿名邦於全趙式壯朔南之屏永綏中外  
之安遠諒輿情欣聆庭渙今特授御名太保遂安慶源  
軍節度使進封康王加食邑一千戶食實封三百戶  
故茲示諭想宜知悉將士等各平安好參佐官吏軍  
人道士僧尼耆壽百姓等並存問之遺書指不多及  
二十二日

節度使榜

遂安軍節度使

應遂安軍管內官吏軍人道士僧尼百姓築室肇  
開庭綸誕布王封真拜胙四履以苴茅上衮輿儀兼  
十連而建毒縣方攤圭而趨箸未握節以殿邦屬  
時上聖之君興乃不平之治道孚九有邃追黃帝  
之風政本羣情盡舉元豐之制沛施厚澤浹被遠  
民唯彼外僚當承至意協懋蕃宣之職恪敷詔令  
之仁芹藻儒髦虎貌武旅空門羽檄穉耆齡樂  
盛化以咸寧欽有司而無犯諸有尊屬並存問之  
右榜遂安軍仍散下管內各令知委

宣和四年 月 日 榜

太保遂安慶源軍節度使康王

押

建炎二年五月十三日

聖旨朕當時尒危勉承大統念

父母兄弟之難懷生靈塗炭之傷思所以迎復

鑿輿弭寧禍亂未知攸濟夙夜震懼無以解憂而潛  
藩舊鎮乃遵常式貢章陳慶有謂未已殊拂朕心應  
舊領州鎮並不許依故事稱賀其合推恩例仰有司  
條具以聞六月十五日有

旨嚴州命官進士僧道耆老等推恩賜帛有差

# 重修圖經序

先王盛時封建未壞井地既正疆理修明千八百國之廣各有土地之圖以周知其地域大司徒所掌是已且司徒掌邦教之任而乃下兼職方之事其亦有說歟蓋民之情性有剛柔輕重遲速不同不辨其宜而施教焉則有扞格而不相入者是以修其教不易其俗齊其政不易其宜建秦人罷侯置守亦各有圖漢人入關所收財知阨塞而已司徒辨五地十二壤而施十有二教之制無有也漢氏去古未遠不能復先王之制而郡國雜治況後世去先王益遠而曰復



古不其疎乎

國朝沿唐郡縣之舊而其經理視唐尤爲盡善大中  
祥符三年十二月丁巳 詔獎翰林學士李宗諤等  
上新修諸道圖經由是圖籍大備而嚴之爲州自東  
漢建安中至是適八百年矣其遷徙廢置詳載於經  
郡有板本中更遺漏不存淳熙甲辰太守陳公公亮  
下車之初憫其廢墜而未暇也逾年時和年豐訟簡  
刑清百廢具舉課最之餘因取舊經命文富訂正之  
將再鋟諸木竊惟此邦之俗舊號輯睦因以名州可  
以無事治不可以多事理所謂安於簡易之政擾之

則生事是已自公之開府將再暮矣一以寬政理惟  
頑民黠吏始繩之以法故邦人甚安之因其俗而施  
其教公已得之此其大可書者若夫民數之登降財  
賦之贏縮軍籍之去留公館之興廢是則因之否則  
革之特其粗爾故書其大者以告後之爲政云歲在  
丙午正月丁未迪功郎州學教授劉文富謹序

嚴州重修圖經舊序

周官職方氏掌天下之圖周知其數要漢得秦圖書具知天下阨塞戶口多少疆弱處光武中興按司空輿地圖以封諸子歷代放周遂以職方名官至唐立制凡地圖命郡府三年一造與板籍偕上省

國朝定令閏年諸州上地圖大中祥符四年

詔儒臣修纂圖經頒下州縣俾遵承之距今百二十有八年矣其間州名有更易軍制有升降戶口有登耗賦稅有增損旣皆不同而又艱難以來州縣唯科斂是急趣具目前閏年之制度以不舉蓋職方之職

廢也紹興七年卒來承乏嘗訪求歷代沿革

國朝典章前賢遺範率汗漫莫可取正詢之故老則曰是邦當宣和庚子盜據之後圖籍散亡視它州尤難稽考乃喟然曰惟嚴爲州山水清絕有高賢之遐躅久以輯睦得名今因嚴陵紀號自唐爲軍事州藝祖開基首命

太宗爲睦州防禦使

先帝政和中悉衰錄

祖宗潛藩之地

詔升其軍爲節度旣而出節少府以授

今上嘗以親王遙臨鎮焉其後


繼世以有天下實似

太宗蓋是邦兩爲


真主興王之地其視少康之綸漢文之代有不足道  
則地望顧不重哉而況歷代以來文人才士間出於  
其地偉賢鉅公來爲牧守者相望也庸可以勿紀乎  
於是因通判軍州事孫傅有請乃屬僚屬知建德縣  
事熊適州學教授朱良弼王建德縣簿注勅王桐廬  
縣簿賈廷佐及郡人前漢陽軍教授喻彥先相與檢  
訂事實各以類從因舊經而補緝廣新聞而附見凡

是邦之遺事略具矣豈特備異日職方舉閏年之制  
抑使爲政者究知風俗利病師範先賢懿績而承學  
晚生覽之可以輯睦而還舊俗宦達名流玩之可以  
金高風而勵名節渠小補也哉至於紀錄尚或未盡  
則以俟後之君子紹興己未春正月壬午知軍州事  
董弅序

成子




十三年十月






建德府內



城圖



東北到臨  
安府界

分水縣

東至臨安府界

天目溪

桐廬縣

東南到  
婺州界

釣臺

十九之廿三

江

縣

府境

北至臨

嘉歙門

栢嶼門

泰蓋通判廳

建德縣

縣

安流門

定川門

南至

總圖

安府界

西北到  
徽州界

淳安縣

新安縣

治

通判廳

西至徽州界

遂安縣

歙縣

休寧縣

翠門


林門

石門

壽昌縣

西南到  
衢州界

州界



建德縣

北至分

白佛院

龍興觀

仁行鄉

鳳山院

美民山

道泉庵

東北桐廬縣界

安仁

廣濟廟

景德寺

澄溪庵

玉泉庵

玉塔院

芝川鄉

法源院

龍堂院

下塔院  
觀音院  
保慈院

烏石廟

壺石院

龍門庵

東至桐廬縣界

建德縣

縣學

安養院

順濟廟

東津松栢

鎮寧侯廟

仁王院

新亭鄉

岩山興福院

明山

岷侯廟

白鶴鄉

光孝寺

白鶴鄉

萬歲山

傳真院

丹研頭

東南浦江縣界

倪祖夫人廟

上蘇

馮十洲

謝山


寶壽院

羊橋頭

靈瑞兒

南至蘭

境圖



淳安

北至昌

東北至  
分水界

柵源院

塔壩

安樂鄉

沙洲院

新定院

長樂鄉

桐山院

審慎

靜樂院  
壽岩院

豐源院

昌期鄉

天樂觀

賢鄉

太平鄉

福興院  
雲源院  
回向院

富岩院  
靈耀院

蘆山

龍山鄉

聖姥山

永初院

開化鄉

東至建德縣界  
重研山  
清平鄉

某樹院

洞壩宮

紫蓋峯

法照寺

安福鄉

臨池院

富洪院

某樹院

縣學

五聖廟  
城隍廟  
東岳廟

稅務

聖德寺  
玉龍廟

遠嶺

東南至  
壽昌界

和義鄉

龍華院

龍巖院

港口寨

普安寺

彌陀院

都督廟

南至

圖境

界縣化

西北至  
歙縣界

尹山

神景寺

建興寺

法華院

龍山

雙桂源

咸平寨

永平鄉

邁山

保安寺

聖廳  
簿廳

尉司

明金山

梓桐鄉

神景宮  
廣明寺  
無碍院

社壇

安養院

文府君廟

南郊廟  
轉教寺

西至遂安縣界

楊嶺

雉山

相橋

水滸院

仁壽山

上善觀

南山

安礪嶺

惠明院

雲蒙山

界縣安

西南至  
遂安界



桐廬

北至分

東北新  
城縣界

育英院

龍山

玉德鄉

寶慶寺

閻仙洞

寶貝素鄉

淨土禪院

廣法院

神定院

雲門院

建善院

戴山

外塔

內塔

梵慶院

大明院

建興院

鳳凰山

神洞

神洞

巡檢司

東至富陽縣界

司蓋系

丞府

海廳

尉司

永泰寺

桐江驛

縣寺

縣寺

縣寺

縣寺

桐君山

巡檢司

黃山研

定安鄉

酒稅務

稅亭

合江亭

水溪鄉

河明宮

長樂院

建平院

吉祥院

孝仁鄉

善化院

崇步

棲霞院

眾善院

雲泉庵

東南浦  
江縣界

陽明觀

弥陀院

石佛院

華林院

龍土潭

神那院

南至浦

景境圖

水縣界

垂雲洞

龍洞

應瑞院

報恩院

保壽院

常樂鄉

鍾山鄉

安樂鄉

勝日院

大鎮院

香炉山

法華山

淨居院

安樂寺

清冷山

寧國寺

木刀寺

普通寺

△茶室  
國通寺  
馬驛

初山行宮  
社壇

教場

百壽岩

孝泉鄉

白塔院

西至建德縣界

牛山

金鐘山

釣書院

九龍寺

孝子泉

金牛鄉

雲居庵

龍王廟

金牛山

歌舞山

白雲村

西南建德縣界

界縣

西北分水縣界

遂安

北至

東北至  
淳安界

楊嶺

移風鄉

安剛嶺

雲濤山

廣明寺

山亭

東郭廟

龍渡

溫恭鄉

鐵索廟

遂安縣

永隆寺

接官亭

東亭

東至淳安縣界

奎星樓

三聖廟

三聖廟

趙侯廟

放生池

尉司

萬年鄉

惠安寺

織女廟

安福院

葵山

助順廟

東南至  
淳安界

西至南

縣境圖

安縣界

灵岩山

灵岩洞

興國院

新安鄉

皂莢山

武強山

龍耳山

西灵廟

五帝宮

桐山行宮

縣學

洞明宮

向善院

龍祥院

洞神宮  
蘇廟  
無碑寺

縣學

霞院

社壇

鳳林門

安縣

西北至  
淳安界

佛嶺

公山

西至休寧縣界

龍津鄉

馬金嶺

洪銅山

鳳林巡檢司

黃連嶺

永濟庵

鳳林鄉

香林院  
靜林院

西南至  
開化界

乳洞庵

安縣界

東北臨  
安縣界

招起鄉

石壁山

東至新城縣界

畢浦

東南桐  
廬縣界

石壁院

慕遊山

迎德寺

粉塢

定安寺

新廟

天目溪

永齊院

咸若亭

朝京坊

自民坊

果願寺

經堂院

官池

塔院

張靈孫廟

仙外鄉

主簿廳

安寧院

玉華泉

季公池

慶雲寺

玉瑞寺

山嶽廟

縣學

玉華樓

慶雲坊

甘泉寺

水分  
於至北

古廟

建至南

縣境圖

晉縣界

雙峯  
龍翔寺

生仙裏鄉

仙人影

月溪寺

保安寺

東輝寺

西北淳  
安縣界

五聖廟

城隍廟

靈岩宮

鴻寺

柳栢鄉

柳山廟

分水縣

尉司

西廟

德輝觀

華嚴院

安神院

西至淳安縣界

潛大池

相公湖

下西橋

上西橋

奉明九院

分水縣

龍女池

石

石桂山

英烈堂廟

蒼龍廟

靈應廟

湧泉岩

廣合廟

光徽寺

萬仙廟

德縣界

西南建  
德縣界

壽昌

北至

石山

東北建德縣界

過浴洞山

石鼓山

赤孤山

青龍山

中堡

壽昌縣

簿村廳

廣安寺

東至建德縣界

仁曲豆鄉

城隍廟

尺五驛

馬驛

白山廟

四布夫人廟

水溝

朝京橋

至孝鄉

慈相庵

淡竹院

山門院

西門廟

南至龍

九州

賭婦山

東南蘭溪縣界

縣境圖

安縣界

西北  
安縣界

永平鄉

崇恩院

萬福院

太寧院

縣署

靈貳廟

天慶觀

覺來院

華光院

月溪院

海仙洞

西湖

縣學

西至遂安縣界

金雞岩

魏狀山

洞巖

洞巖院

宋公橋

社壇

會通橋

長樂院

永清院

顏公橋

靈巖寺

張待院

靈樞宮

西南  
安縣界

魏龍山

新昌鄉

靜慶院

上梅鋪

梅嶺

游縣界



圖經卷第一

歷代沿革

上嚴州新定郡遂安軍節度

治建德縣

禹貢揚州之南境

春秋時屬吳魯哀公二十二年勾踐滅吳因屬越周

顯王三十六年越無疆立楚威王滅之并有其地秦

破負芻則以爲鄣會稽兩郡之境漢興以隸吳郡及

丹楊郡東漢仍隸兩郡至建安十三年孫武遣威武

中郎將賀齊擊定山越始分丹楊郡之歙縣立始新

今淳安縣新定

今遂安縣

犁陽休陽

吳孫休更名休陽曰海寧

海寧隋開皇十四年改爲休寧四縣合縣與歙爲縣六置新都郡治

如新晉太康元年平吳改郡曰新安而縣改新定曰  
遂安宋省犁陽止領縣五梁武帝割吳郡之壽昌來  
屬復爲縣六自孫權始置郡汜于東晉皆隸揚州宋  
孝建元年分揚州之五郡爲東揚州新安與其一永  
光元年省復併入揚州梁以會稽爲東揚州郡復隸  
焉承聖中復舊隋開皇九年平陳廢郡爲新安縣併  
入婺州而置歙州以黟歙海寧三縣隸焉今爲徽州仁壽  
三年割杭州之桐廬并復立遂安縣即新安故城置  
睦州統縣三新安遂安桐廬大業初改新安縣曰雉山而改  
睦州爲遂安郡以歙州爲新安郡唐武德四年平汪

華復爲睦州隸歙州總管而析桐廬爲嚴州睦州止

領縣二

雉山

遂安

七年廢嚴州復以桐廬來屬名東睦州

八年去東字正

本字犯仁宗嫌名

觀元年分天下爲十道睦

州隸江南道

開元二十一年分江南爲東西道睦州隸東道採訪使治于蘇州

永淳

二年復置建德縣合爲縣四文明元年復改雉山縣

曰新安永昌元年復置壽昌縣載初元年省壽昌如

意元年增置武盛縣

今分水縣

神功元年徙州治建德神

龍元年復置壽昌改武盛爲分水合爲縣六開元二

十年改新安縣爲還淳天寶元年改睦州爲新定郡

乾元元年復爲睦州寶應二年又析分水增置昭德

合爲縣七大曆六年併昭德於分水永正

仁本字棟名

元年改還淳曰青溪中和四年州爲陳晟所據光化三年錢鏐割桐廬隸杭州天祐元年刺史陳詢以州附揚行密三年錢鏐將復取其地更五代暨

國初皆爲錢氏所有太平興國三年納土始入板圖詔復以桐廬下屬于平分天下爲十九路睦州隸兩浙西路自唐以來爲睦州軍

國朝建隆元年

太宗以親王領防禦使大中祥符及治平間又嘗設團練官而仍爲軍事州政和八年

詔升爲建德軍節度宣和三年平方臘改曰遂安軍  
改州曰嚴州而縣改青溪曰淳安  
中興因之

分野

禹貢淮海惟揚州舜置十有二牧此地爲揚州牧所  
治周官東南曰揚州其山鎮曰會稽春秋元命包云  
牽牛流爲揚州分爲越國漢書志以爲斗分野唐志  
據鄭康成說以爲星紀之分

國史地理志兩浙路當天文南斗須女之分

風俗

大中祥符圖經載舊經云山高水深人性正

本字犯仁宗嫌名

介通典云人性輕揚尚鬼好祀太平寰宇記云隋置睦州取其俗阜人和內外輯睦爲義以今觀之州境山谷居多地狹且瘠民貧而嗇穀食不足仰給它州惟蠶桑是務更丞茶割漆以要商賈樵遷之利大抵安於簡易之政擾之則生事

國史地理志總叙兩浙路以爲人性敏柔而慧

尚淳晉氏之教厚於滋味急於進取善於圖利

州境 道路附

東西三百九十里

南北三百三十里

四至八到

東至臨安府三百一十里

西至徽州三百七十里

南至婺州一百五十里

北至臨安府二百七十里

東南到婺州一百八十里

西南到衢州二百一十里

東北到臨安府三百一十里

西北到徽州三百一十里

去兩京地里

東京二千五百三十六里

西京三千二十九里

陸路

東南至新屯嶺入婺州界五十五里

西南至鵝籠山入衢州界一百九十里

西至深渡津入徽州界二百五十七里

北至印渚溪入臨安府界二百七十里

東北至桐峴山入臨安府一百五十里

水路

東至東梓浦入臨安府界一百三十三里



南至三河湍入婺州界五十里

北至深渡津入徽州界二百五十里

### 城社

羅城周回十二里二步

刀行大廳記云陳嚴築羅城按舊經周回十九里高二十

五尺闊二丈五尺今城宣和三年平方臘後知州周格重築

城有八門東曰望雲

南曰定川曰安流西曰安泰曰和平北曰嘉貺東北

曰百順西南曰善利

善利門舊有復城出溪湖雨間相傳爲鳳凰背既重築悉平之

塞爲城隅紹興八年知州董弁因父老有請即城隅闢爲門還榜舊名

子城周回三里南即遂安軍門東西門在授官廳之

兩廂北門在州宅西偏

社壇在城西北五里

舊在城西南三里宣和三年平方臘後移置

### 戶口

自孫權分歙置郡史書不載戶口之數晉武帝時戶五千五百六十宋孝武時戶一萬二百五十三隋文帝時戶七千三百四十三唐高祖時戶一萬二千六十四口五萬九千六十八明皇時戶五萬四千九百六十一口三十八萬二千五百一十三穆宗時戶五萬四千七百一十口三十六萬三千三百八十九國朝九域志主戶六萬六千九百一十五客戶九千八百三十六

國史天禧中戶四萬五千五百八治平中戶七萬五千四百七十三口二十四萬一千七百七十二  
紹興已未戶七萬二千二百五十六丁一十一萬一千三百九十四

今戶口

戶八萬八千八百六十七

丁一十七萬五千九百卅三

學校

科舉附

至聖文宣王廟舊在城東南隅

國朝雖熙二年知州田錫遷于城西北隅即廟建學

以教諸生景祐中知州范仲淹始建堂宇齋廡慶曆  
中知州向俟奉

詔增廣嘉祐中知州趙抃營置田租及以婺州歲入  
羨米養士大觀中知州李陞奉

詔重新廟學宣和中頒降

御書殿榜曰大成紹興七年知州胡寅盡撤舊屋自

殿堂廊廡齋舍煥然一新

堂後有三公祠堂設田公  
范公及趙清獻公像蓋士

子以其名德之重及嘗有功于學校之故紹興八年  
知州董弁令隨春秋釋奠祀之後增作五賢祠以嚴

先生為主復以  
唐宋廣平為配

學由舊歲收四百斛不足以養士淳熙乙巳歲知州

陳公亮以三百千添置復撥沒官產以贍之由是無匱乏之患

### 科舉

舊制三歲應

詔解九人

後增明經額一人為十人

崇寧頒三舍

法于學歲貢六人三歲并零分通二十人宜和復科舉三歲解十六人渡江後附解流寓二名紹興中通為十八名今為定制

貢院舊在堯率寺之西屋宇甚隘歲久滋弊舊經亦不載淳熙乙巳冬知州陳公公亮乃就州學之西鼎新創建其規撫一遵禮部貢院之制

解舍

州衙在子城內正北

舊制屋宇甚備經方臘之亂蕩然無遺宣和三年知州周

格重  
建

通判解舍在遂安軍門內街西

路分解舍舊無定居今在兜率寺東以續置新定  
驛改充

觀察支使

節度推官

觀察推官

司戶參軍

司法參軍

並在軍門內東偏

政和中改幕職爲司六曹事曹官爲掾至建炎初復舊其

間有省負空廨近歲添置通判居之

司理院在嚴州門內街東

司理參軍廨舍在內

州院在嚴州門內街西

知錄參軍廨舍在內

州學教授廨舍在本學外門內今移在學之東側

舊制有路鈴路分本州駐劄及州鈴都監監押

近歲省併只留路分一員都監監押共三員除

路分都監廨舍外或居寺院或僦民居

稅務監官二員一員廨舍在稅務內一員僦居

館驛 樓閣亭榭附

公館在子城東東山下屋頗宏壯舊爲兵馬司紹興八年知州董弁重加葺治榜以今名以待監司按臨及往來貴客愒寓今添差通判居淳熙丙午春知州陳公公亮以新定

驛

如歸館在子城東門內南偏以待寓客

定川館在定川門外臨歙江以待往來艤舟者

東館在東津舊有東館樓錢文肅公更其名曰分



歙遭方臘之亂樓廢後作亭爲檢稅之所  
紹興八年知州董弁命增憲戶榜以今名  
以待往來艤舟不至城下者

西館在安泰門外紹興八年因得民居之籍于官者  
增葺爲之以待屬縣官赴州稟事者渴寓  
焉館後有閣跨湖面西山榜曰夕暉今廢  
新定驛舊在州南門外今廢近歲即兜率寺東廡  
建屋謂之行衙紹興八年旣作公館因榜  
以驛名今改路分解舍

遂安軍門樓舊睦州門宣和三年因升爲節度知

州周格建紹興甲子歲因水頽圮乙丑知  
州羅汝楫重建

鼓角樓宣和三年重建榜曰嚴州

千峯榭州宅北偏東跨子城上自唐有之

見方久  
干詩

廢景祐中范文正公即舊基重建經方臘  
之亂不存後人重建易名曰冷風臺紹興

二年知州潘良貴復舊名

紹興八年知州  
董弁即千峯榭

之南建  
高風堂

瀟灑樓在州宅正寢之北宣和三年知州周格建  
紫翠樓在州宅北子城下今廢遺基尚存

知州呂  
希純葺

有詩具  
嚴州集

甘棠樓舊在善利門北城角俯臨西湖因方臘之

亂不存紹興八年知州董弁既闢善利門

即門上跨城隅建樓榜以舊名

按錢文肅公皇祐中

作詩已云杜牧之睦州詩多獨無此樓詩則甘棠之名自唐有之而郡人相傳乃謂

懷范文正公豈非范公之遺愛民到于今不能忘乎

竹閣在能仁寺南偏范文正公守郡曰喜登嘗賦

詩後人更名思范紹興九年重葺復舊名

今廢

宣詔亭在嚴州門前街東

班春亭在嚴州門前街西

秀亭在子城東東山上前臨闌闌一覽盡得溪山

之勝前賢賦詠多矣亭廢後人作小屋其

上名曰高勝紹興八年知州董弁命撤去

即故基建亭榜以舊名今廢

湖光亭在和平門外南跨西湖紹興七年知州胡

寅建

賞春亭在州衙後圃趙清獻公所建今廢

四照亭在善利門外今廢

分歛亭在定川館傍舊為商稅務紹興八年知州

董弇移務於城中葺爲亭以待往來艤舟者以其下臨歙江取孫權分歙之義爲之名今廢

倉場庫務

鑄錢監附

都倉在子城東門內街北

軍資庫在儀門外街東

甲仗庫在州衙大廳西廡樓屋上

回易庫在儀門外街西

公使庫在州衙大廳東廡內

架閣庫在州衙大廳東廡樓屋上

抵當庫在州東

較務比

醋庫在軍門內街東

合同場在州西善利門內

都酒務在嚴州門外街西

比較務在州東下市今省併

贍軍務在和平門外西陪郭塢口

紹興六年置

今省併

都商稅務在比較務東

舊在城南市內經方臘之亂廢後以定川門外一亭

爲之紹興八年即城市復建

東津稅務在東津

舊以東館亭爲之紹興八年即東館之西分監稅官廨舍建爲務

神泉監在望雲門外

熙寧七年置舊取婺州永康縣銅山場銅以鑄錢今取信

州鉛山縣銅錫爲之  
監官廨舍在監東

軍營兵籍附

禁軍

威果營在望雲門內街南

元額五百三十人  
紹興己未中額二百三十人

今見營四百七十七人

雄節營在望雲門內街北  
元額三百八十人  
紹興己未中額三百八十人

今見管四百九十一人

廂軍

崇節營在軍門內街東

元額四百三十人  
紹興己未中額三百三十人  
今見管

三百一十一人

壯城營在安流門內

元額二百八人今見管二十二人

牢城營在州南

元額四百九人今

寧節營附在牢城營

乾道九年朝廷優恤揀汰人初置無定額今見管

三十人

屯駐兩指揮

並寓廂軍營

壽春府

元管六十四人紹興已未中八人今廢

鎮江府

元管一百二十人紹興已未中八人今廢

坊市

惠政坊

舊名崇仁在左師軍門前東街今改

善教坊

舊名崇化在右師軍門前西街今改



親仁坊

在左廂東巷

安泰坊

舊名郊河在右廂直安泰門今改

阜俗坊

舊名易俗在左廂下市今改

輯睦坊

舊名黃浦在右廂市今改

遺愛坊

舊名棠蔭在左廂定川安流門兩間今改

甘棠坊

在右廂直甘棠樓

望雲坊

舊名景雲在左廂直望雲門今改

建安坊

在左廂建安山下

字民坊

舊名申政在左廂建德縣前今改

雙桂坊

舊名任義在左廂建德縣西元豐八年州人倪直侯直儒兄弟同榜登科里人為名之

福善坊

在左廂子城東直嘉脫門今稱名

陵仙坊

在右廂子城北相傳爲康希仙飛昇處今稱名

仁里坊

在右廂後歷故諫議大夫江公望所居江自立名

和平坊

在右廂和平門內

誠孝坊

舊名集賢在右廂子城西紹興九年民徐明剗脅取肝療其母病愈改今名

育英坊

舊名秀士在右廂州學前今改

興賢坊

在新貢院之街南洋熙丙午歲創建

### 橋梁

永通橋在定川門外浮歙江上舊曰政平故諫議

大夫江公望名之紹興七年知州胡寅重

新易以今名又於江心當橋上作小亭名曰卧虹後因水泛溢湮沒

伏龍橋在州南市中

石橋四

一在軍門前  
一在建德縣南

一在子城東門外  
一在和平門外

章家橋在建德縣東

上路橋在建德縣東

余浦橋在望雲門外

風矸橋在建德縣北

師子橋在西溪

溝渠

一在州東自百順門外池流入南溝又東南入余

浦口達于歙江

一在州東自嘉貺門外烏龍山東西源流入南溝

又東南入余浦口達于歙江

一在州西北自嘉貺門外張考嶋流轉州北入西

南溝又東南入余浦口達于歙江

一在州西南自北郭流入安泰斗門溝又東南入

余浦口達于歙江

### 物產

禹貢揚州篠簜旣敷

孔安國傳云篠竹箭簜布地而生厥草

惟夭

通典云盛也

厥木惟喬

孔安國傳云喬高也

島夷卉服

通典云卉服絺

葛之厥篚織貝細安國傳云織周官職方氏揚州其

利金錫竹箭其民二男五女其畜宜鳥獸其穀宜稻

鄭康成注云錫鑠也箭篠也鳥獸孔雀鸞鳩鵲之屬

今產

穀

秔

粳

粟

麥

稌

麻

豆

衣

綃

紬

綿

紗

布

苧

貨

唐志建德遂安  
縣皆有銅今無

絲

漆

茶

蜜

蠟

紙

藥

唐志遂安縣石  
英山有白石英

款冬

半夏

菊花

地榆

白朮

菖蒲

麥門冬

草薺

芍藥

瓜蒌

天門冬

枸杞

何首烏

苦參

地黃

果

梅

李

桃

栗

桤

棗

楊梅

木

檉

楸

松

梓

苦

柿

橘

枇杷

楓

桑

檀

桐

淡

竹

梨

柚

石榴

桐

楊

栢

檉

筋

杏

榧

櫟

柳

槻

笙

畜

牛

馬

羊

豬

犬

雞

鵝

鴨

禽

鸕鷀

雉

杜鵑

百舌

鳩

鴝

烏

鵲

鳩  
鴝

鷓鴣

谿鵝

鸚鵡

鶴

百勞

鶯

鷓

獸

熊

猴

鹿

狸



虎

豹

豺

狼

兔

鹿

麋

獾

狢

獺

豪豬

野豬

白面狸

魚

鯽

魴

鰱

鯉

鱸

鮎

鰕

鱖

鱖

鮑

鱈

龜

鼈

土貢

唐正

本字犯  
仁宗嫌名

元十道錄云貢交梭元和國計圖云

貢白石英交梭竹篔簹唐志載貢文綾篔簹白石英銀花

細茶舊經載貢交梭縮白苧布紅花竹篔簹鳩阮茶麥

門冬煎白蜜九域志載貢白苧十匹篔簹十領

國史志載貢母麋皮交梭縮白苧布白蜜紅花竹篔

麥門冬煎

今貢

白苧布十匹

絹二十匹 折篔

稅賦 茶租免役和陌買附

夏稅

絹舊額五萬七千九百一十七匹三丈六尺

今收四萬五千七百五十三匹

係除折帛外計上件後並同

紬舊額一萬三千五百八十四匹二丈七尺八寸

今收一萬四千二百九十三匹

綿舊額四千九百八十六屯三兩三錢三字

今收二萬六千一百七十六兩

秋稅

苗米舊額二萬一千四百六十七石三斗一分

三合五勺

今收二萬二千八百五十八石一斗五合

茶租錢舊額一萬二千三百八十貫文

今收三萬一千三百八十貫文

免役錢舊額三萬六千五百四十七貫四百九十九文

今收五萬七千六百六十九貫三百八十八文

和預買

絹舊額六萬二千八十四匹二丈

今收五萬七千六百七十二匹

紬舊額二萬二千七百六十二匹

今收二萬二千五百四

絲舊額二萬三千五百兩

今收二萬五千兩

生紬線舊額五千兩無增減

課利

酒

都務祖額三萬一千七百三貫文紹興己未額三萬二千五百一貫文

今收三萬一千七百三貫六百六十文

比較務祖額三萬六百六十三貫文紹興己未額三萬一千三百六十七貫文

今收三萬六百六十三貫七百五文

贍軍務

紹興七年置元降指揮以課利三分充本州用七分上供每年起淨利錢二萬貫文

紹興已未額二萬八十貫一百一十文

今收一萬六千五百八十八貫八百文

稅

商稅務祖額三萬四千六十六貫文紹興已未額

三萬五千三百一十六貫文

今收三萬八千二百七十五貫四百三十四文

茶

遞年批發二百三十五萬五千九百二十斤計引

錢三十九萬八千三百七十貫文紹興已  
未額二百五十一萬八千四百四十斤計  
引錢四十二萬六千九百五貫文

今批發二百五十八萬三百八十斤計引錢  
五十六萬七千一百二十六貫文

遞年住賣五千八百四十斤計引錢一千三貫文  
紹興已未額六千一百斤計引錢一千三  
十七貫文

今住賣五千八百斤計引錢一千二百七十  
六貫文

鹽

遞年四百八十八萬九千七百斤計引錢二十二萬一千二百二十三貫文紹興己未額五百五萬一千七百斤計引錢二十四萬二千一百七十五貫文

今賣五百八十五萬六百斤計引錢四十萬九千五百四十二貫文

香

遞年一百一十一兩計引錢三百一貫五百文紹興己未額一百一十兩四錢計引錢四百



今賣二百二十七兩三錢計引錢二百四十  
六貫六十八文

礬

遞年一千九百斤計引錢二百六十七貫文紹興  
己未額二千一百四十斤計引錢二百八  
十八貫文

今賣二千七百一十五斤計引錢二百七十  
一貫五百文

寺觀

天慶觀在子城西唐景龍中建名龍興

國朝大中祥符元年因

天書降

詔天下建天慶觀改今名四年

聖祖降又

詔即天慶觀建殿以奉

聖祖歲時長吏率官屬朝謁者于令迄今行之

堯率寺在天慶觀西唐神龍元年建名中興景龍元年改龍興開元中又改開元

國朝大中祥符元年改今名

唐末有僧道明居此寺因

號陳尊宿道陽徐有靈香閣元祐宰相蘇公頌爲之記又有陳尊宿菴紹興五年寺爲火焚蕩然無遺八年稍即舊基建屋有僧守越築室山上復名尊宿菴

資福院在子城西北山下

國朝慶曆中建治平二年賜額藏

太宗御書

廣智寺在州東忠懿王錢俶建名報恩寺

國朝太平興國三年避

太宗潛邸名改賜今名

能仁院在資福院北

國朝寶元中建名承天寺政和六年因上地祇徽號有承天字改賜今名藏

太宗御書

保豐院在親仁坊紹興元年僧居敏請分水縣廢寺額建舊亦謂之接待院

法善寺在州東相傳云是清涼大法眼禪師道場其宗派流入高麗最盛

報恩院在州東

國朝慶曆中

十王院在子城西

陵仙角在子城西者舊傳云唐永徽三年睦州

刺史康希仙登昇之處因以名其地

角宜作閣

事既不經又無所考據姑存之

賢牧 題名附

江秉之字元叔濟陽考城人爲山陰令入戶三萬  
政事繁擾階庭常數百人秉之御繁以簡  
常得無事以在縣有能出補新安太守以  
簡約見稱所得秩悉散之親故妻子常飢  
寒人有勸其營田秉之正色荅曰食祿之  
家豈可與農人競利在郡作書架一枚去

官留以付庫

羊欣字敬元泰山南城人爲新安太守在郡四年  
簡惠著稱除臨川王義慶輔國長史不就  
文帝重以爲新安太守在郡十三年樂其  
山水嘗謂子弟曰人生仕官至二千石斯  
可矣及是便懷止足

蕭綏字德州

本字犯  
聖祖名

齊宗室蚤孤有弟九人並幼

綏恩愛篤睦聞於朝廷清貧自立位中書  
侍郎尚書左丞爲新安太守郡多山水特  
其所好適性遊履遂爲之記卒于官

國朝皇祐中建

祥符尼寺在州北建安山下自建德縣龍山鄉移  
初名建安寺

國朝大中祥符年賜今名

志真尼寺在州西

國朝大中祥符中建今廢

祠廟壇壝附

城隍廟在子城西北

五通廟在子城西

五靈廟在望雲門內

國朝皇祐中知州

因神見夢祈禱有

應請于

朝封五靈王

山神壇在仁安山之陽

乾道六年知州張斌築爲水旱祈禱之所

兩港龍王祠在望雲門外東山上

舊祠在溪陰地勢卑隘或溪水泛溢有所  
禱祈不可渡則望拜而已淳熙甲辰春權  
州事通判劉泌遷于今所

古跡



蕭穎胄字雲長齊宗室自中書郎除左軍將軍知  
殿內文武事得入便殿出爲新安太守吏  
人懷之

伏暉字元曜平昌安丘人爲永陽內史在郡清潔  
政務安靜郡人何正秀等一百五十四人  
詣州言狀湘州刺史以聞詔勘有十五事  
爲吏人所懷梁武帝善之徙新安太守在  
郡清恪如永陽時人賦稅不登者輒以太  
守田米助之郡多麻苧家人乃至無以爲  
繩其厲志如此屬縣始新遂安海寧並同

時生爲立祠

王實琅邪人尚梁武帝女安吉公主襲爵建城縣公爲新安太守實從兄來郡就求告實與銅錢五十萬不聽於郡及道散用從兄密於郡市貨還都求利及去郡數十里實乃知命追之呼從兄上岸盤頭令卒與杖搏頰乞原劣得免

任昉字彥升樂安博昌人梁天監中自祕書監出爲新安太守在郡不事邊幅率然曳杖徒行邑郭人通辭訟者就路波焉爲政清省

吏人便之

劉幽求冀州武彊人開元二年自尚書左丞相罷  
貶睦州刺史

宋璟邢州南和人開元三年三月十一日自御史  
大夫坐小累為睦州刺史

李揆字端卿系出隴西自宰相罷為祕書監流落  
十六年始拜睦州刺史

杜牧字牧之京兆萬年人會昌中自池州刺史改  
睦州刺史

田錫字表聖嘉州人太平興國八年以右補闕知

睦州即宣聖祠建學表請八紙國子學印  
經籍給諸生講授

詔特賜之還其紙

范仲淹字希文蘇州人景祐中以右司諫祕閣校  
理知睦州大興學校建嚴子陵祠于釣臺  
復其爲後者四家

趙抃字閱道衢州人嘉祐中爲殿中侍御史求郡  
得睦睦歲爲杭市羊爲移文卻之民籍有  
茶稅而無茶地奏蠲之民至今稱焉

題名

唐刺史李道古撰大廳記具錄唐代刺史名銜除授  
年月始自永徽汜元和七年凡一百六十三年自張  
後嗣本字犯太祖廟諱而下至道古五十一人

國朝雖熙二年知桐廬縣事刁衍撰大廳記以道古  
所撰綿歷既久殘缺爲多復自唐顯慶二年至太平  
興國三年蓋元和八年之後又一百六十三年而自  
道古已下至韋諸陳晟纔三十一人唐史載中和三  
年董昌據杭州柳超自常孰入睦州刺史韋諸殺之  
四年餘杭鎮使陳晟攻諸諸以州授晟據睦州十八  
年死弟詢代立自稱刺史天祐元年叛附于楊行密

其間七十二年蓋衍記所謂錢氏割據非王命略而不書者而李繼敏則錢氏納土後

國朝首命知州也其後蕭瑾繼之瑾之後田錫繼之衍記所謂田公是已今據衍記列其姓氏于左方

張後嗣

顯慶二年正月日自府司馬加國子祭酒拜

高擇言

乾封元年七月二十日自台州刺史拜

尤知欽

日自隨州刺史拜

高真行

永隆元年九月十四日自右衛將軍拜

張大安

永淳二年五月十九日自普州刺史拜

長孫誼

自江州年 月 日

李上善

天授元年九月九日自唐州刺史拜

婁蓋

天授二年八月日自澧州刺史拜

謝禧

如意元年日自吉州拜

元延壽

通天二年正月十五日自徐州刺史拜

楊元亨

天授元年八月十一日自太府少卿拜

孫詮

神龍二年日自右騎

馮昭泰

景龍元年十月十九日自邢州刺史拜

張昭命

景龍二年十月十三日自揚州司馬拜

魏駒

劉幽求

開元二年三月二日自太子少保拜

宋璟

開元三年三月十一日自御史大夫拜

薛瑩

開元七年四月十六日自邢州刺史拜

韋利器

開元八年六月日自博州別駕拜

李仲宣

開元十三年九月十日自德州刺史拜

楊承令

開元十五年五月日自睦州別駕拜

柳齊

開元十年年日月日自萊州

崔景

開元十九年三月十日自眉州刺史拜

李諒

開元二十二年十月九日自領軍衛將軍拜

王審禮

開元二十六年八月日自温州刺史拜

盧同宰

天寶元年六月二十八日自易州刺史拜



張愿

天寶三載九月十八日自白州刺史拜

韋南金

天寶五載九月九日自台州刺史拜

李宥

天寶九載九月二十日自江州刺史拜

張漸

天寶九載十月九日自饒州刺史拜

張朐

天寶十載三月十日自撫州刺史拜

鄭濟

天寶十一載七月十一日自睢州刺史拜

馮臨

天寶十二載十月十七日自上司徒副率拜

盧渙

天寶十載八月八日自歙州刺史拜

李伯成

天寶十五載正月十八日自吉州刺史拜

閻欽愛

至德二載十一月十日自蘇州別駕拜

張崇暉

上元元年

泗州刺史拜

賀若湏

永泰元年八月十日自義王傅拜

賈琛

大歷三年十月二十日自廬州刺史拜

陶銑

大歷四年月日自江州刺史拜

李揆

大歷十三年四月十日自祕書監拜

王績

建中元年三月二十日自吉州刺史拜

杜亞

建中元年八月日自晉絳州

韋贇

正元四年正月十六日自駕部郎中拜

張彙

正元七年二月十一日自刑部郎中拜

李正臣

正元七年月日自虔州刺史拜

李敷

正元十年十月二十七日自濠州刺史拜

韋士勛

正元二十一年四月二十一日自金州刺史拜

李幼清

元和

鄭膺甫

元和四年三月二十五日自度支郎中拜

李道古

元和六年六月三日自唐州刺史拜

崔元芳

羊士諤

元和十二年三月五日自洋州刺史拜

獨孤邁

元和十四年五月九日自戶部員外郎拜

孟簡

元和十年月日自吉州刺史拜

韋文恪

長慶三年二月七日自司門郎中拜

韓泰

長慶四年六月二十  
五日自郴州刺史拜

張聿

寶曆二年  
月日自屯田郎中拜

張公儒

大和六年十月五  
日自職方郎中拜

王琮

大和九年四月七  
日自洛陽縣令拜

李善白

大和九年十月  
日自

鄭仁弼

開成二年八月七  
日自衛尉少卿拜

呂述

開成二年七月二十三日  
自益欽推官祠部郎中拜

薛蒞

年  
月日自明州刺史拜

蘇滌

會昌三年九月十  
四日自給事中拜

韋有翼

會昌五年三月二十  
四日自安州刺史拜

杜牧

會昌六年十月  
自他州刺史拜

鄭承休

大中三年十月七  
日自果州刺史拜

李文舉

大中六年四月十  
三日自宗正卿拜

厲元

大中六年九月十  
日自使大理拜

崔彖

大中六年十一月十  
一日自戶部郎中拜

韓瞻

大中十二年四月七  
日自鳳州刺史兼本州鎮遏使拜

牛叢

大中十二年十一月  
日自司勳員外郎拜

金仁規

咸通三年十一月二  
日自太府少卿拜

陸墉

咸通五年十二月五  
日自鹽鐵江淮知後金部郎中拜

侯溫

咸通元年  
日自郎中拜

馮巖

咸通十二年十二月十日自太府少卿拜

張極

咸通十四年十二月五日自長安縣令拜

許珂

乾符三年自陳州刺史拜

柳超

乾符五年十月十四日自益鐵浙東院膳部郎中拜

韋諸

廣明元年八月二十日自衛州刺史拜

陳晟

中和元年二月二十日清平鎮拜  
袁羅城

李繼敏

太平興國五年六月十九日中丞權知

蕭瓘

太平興國元年日自

自太平興國八年田錫以右補闕知州至雍熙二年去郡後四十九年當景祐元年范仲淹以右司諫

閣校理知州皇祐元年陸軫以吏部郎中直昭文館  
知州未幾請老以分司西京歸嘉祐三年趙抃以殿  
中侍御史知州紹聖元年呂希純自中書舍人知州  
大觀三年蔡肇自吏部員外郎知州由雍熙而至宣  
和總百二十有五年間知州立慮數十人獨此六公  
名德歸然其他或姓名可見又歲月不可攷今不復

紀

宣和三年平方臘後知州名氏有瀟崇朱妻所作題  
名記列之左方

李邈

宣和三年四月五日以武功大夫榮  
州防禦使知四年四月十七日罷

周格

宣和四年四月十八日以奉直大夫直龍圖閣知七年正月十四日罷

凌唐佐

宣和十年三月三日以朝請大夫權知靖康元年九月二十六日罷

李裁

靖康元年十一月二十九日以朝請大夫權知建炎二年十二月十八日秩滿

王永年

建炎二年十二月十八日以中奉大夫知建炎三年七月十一日罷

趙子砥

建炎三年七月二十日以朝散郎權知十二月四日罷

柳約

建炎三年十二月四日以朝奉大夫充集英殿修撰知紹興元年八月十七日召

范世延

紹興元年九月三日以朝請大夫權知當月二十一日罷

李擢

紹興元年九月二十一日以左朝散郎充顯謨閣待制知二年三月十日罷

潘良貴

紹興二年三月二十四日以左朝散郎直龍圖閣權使遣六月十五日罷

顏為

紹興二年七月三日以左奉議郎權發遣三年六月三日罷



朱緯

紹興三年六月四日以左朝奉大夫權知是月十一日罷

顏為

紹興三年六月十一日再任四年七月二十日秩滿

石端中

紹興四年七月二十日以左朝請大夫權知六年八月二十七日秩滿

胡寅

紹興六年八月二十七日以左奉議郎充徽猷閣待制知七年閏十月十七日移永州

董弁

紹興七年十一月初三日以左朝奉大夫充徽猷閣待制知紹興九年八月初五日罷任

馮軫

紹興九年八月二十八日以左朝請大夫知紹興十年六月十二日罷任

鄭滋

紹興十年六月十五日以顯謨閣直學士左太中大夫知紹興十二年三月二十一日除宮觀

蘇簡

紹興十二年三月二十四日以右朝散大夫權發遣紹興十四年三月二十六日滿

孫蓋

紹興十四年四月二十六日以左朝奉大夫權知當年九月二十七日得替

羅汝楫

紹興十四年九月二十七日以龍圖閣學士左朝請郎知紹興十七年八月二十一日除宮觀

蘇簡

紹興十七年九月一日以右朝請大夫  
權知紹興十九年十月二十九日滿

周林

紹興十九年十月二十九日以左朝請  
郎知紹興二十一年十二月十八日滿

曹璉

紹興二十二年正月二十六日以朝議大  
夫知紹興二十二年七月二十九日改替

宋曖

紹興二十三年十月初二日以右朝散大  
夫權知紹興二十六年三月十二日罷

金安節

紹興二十六年三月十二日以左朝散郎權發  
遣紹興二十七年二月十六日除浙西提刑

朱翌

紹興二十七年七月十一日以左朝散郎秘閣修  
權知紹興三十八年十一月初十日改知宣州

鄭資之

紹興二十九年二月初六日以右朝請大夫  
知

樊光遠

紹興三十年四月二十二日以左朝奉郎  
權發遣明年三月十一日除浙東提刑

鄭知剛

紹興三十一年四月初二日以右朝奉大夫  
權知紹興三十二年三月十九日除官觀

吳槩

紹興三十二年四月初四日以左中奉大  
夫知紹興三十四年四月十七日任滿

朱正純

隆興二年四月十七日以右奉直大夫知乾道二年正月十三日罷任

柳大節

乾道二年三月十三日以右朝奉大夫知乾道三年五月十三日除浙東提刑

柳楹

乾道三年閏七月十五日以右朝奉郎權知乾道五年十二月二十八日滿

張棧

乾道五年十二月二十九日以右承務郎直祕閣權發遣乾道六年閏五月十七日赴召

王師愈

乾道六年六月十八日以左奉議郎權發遣乾道七年五月廿八日改信州

林機

自信州移知乾道七年七月三日以左朝請郎知當月二十九日赴召

詹元宗

乾道七年八月二十三日以左朝奉郎權發遣乾道九年七月二十五日赴召

曹報

乾道九年八月十五日以朝散郎權發遣遺淳熙元年九月二十七日丁父憂

魏楫

淳熙元年十月二十八日以奉議郎權發遣遺淳熙三年八月十八日除都大提點坑冶

潘景珪

淳熙三年八月二十日以朝請郎權知淳熙四年八月二十八日宮祠

趙師垂

淳熙五年二月二十九日以宣義郎直敷文閣權發遣當年八月二十日丁母憂

蕭燧

淳熙五年十月二十三日以朝散大夫知七年十月十二日除敷文閣待制差知婺州

韋璞

淳熙七年十一月十七日以朝請郎直顯謨閣權知八年九月初二日宮觀

楊布

淳熙八年十二月二十九日以朝請郎權知淳熙九年八月二十四日宮觀

樓錫

淳熙九年九月二十三日以承議郎權發遣當年十二月十七日丁父憂

李棫

淳熙十年正月二十六日以朝請郎權知當年七月初二日改知溫州

汪義端

淳熙十年八月十六日以宣教郎權發遣十一年三月初二日宮祠

陳公亮

淳熙十一年六月初三日以朝請郎權知十三年七月初三日滿除倉部郎官

陸游

淳熙十三年七月初三日以朝請大夫權知淳熙十五年七月初六日滿

錢聞詩

淳熙十五年七月初六日以朝奉大夫權發遣淳熙十六年七月初一日罷任

張埏

淳熙十六年十月初九日以朝散大夫  
權發遣紹熙元年九月初九日罷任

葉籌

紹興元年十月初十日以奉直大夫  
夫知二年九月初九日罷任

冷世光

紹熙二年十二月初四日以朝請郎  
權發遣三年十二月初三日宮觀

趙不揚

紹興四年二月初五日以朝奉大夫  
五年六月初七日除江西提刑

秦焄

淳熙元年八月初九日以朝議大夫  
夫知慶元二年五月初九日宮觀

曾集

慶元二年七月初一日以朝奉大夫  
權知慶元三年六月十九日罷任

李直柔

慶元三年閏六月十二日以刺請  
郎權知當年九月十五日丁母憂

黃衡

慶元三年十月二十六日以朝奉大夫權  
知慶元年七月七日改除福建提舉

毛宓

慶元五年九月二十八日以朝請郎  
權發遣嘉泰元年正月十六日宮觀

潘燾

嘉泰元年二月四日以朝議大夫  
知

莫若晦

嘉泰元年十二月十一日以朝議大夫知嘉泰三年七月二十二日除湖南提舉

陳棟

嘉泰三年十月十五日以朝請大夫權發遣嘉泰四年八月初一日罷任

孫叔豹

嘉泰四年十二月十五日以朝散郎直祕閣權知開禧二年二月二十五日罷任

鞏嶸

開禧二年四月二十日以朝請郎權發遣續兩易權知邵州至五月二十八日得替

趙師石

開禧二年五月二十八日以朝奉大夫權知三年四月轉朝散大夫嘉定元年二月改知婺州

胡淦

嘉定元年三月二十一日以宣教郎權發遣二年三月轉奉議郎嘉定三年二月四日除福建提舉

于孟導

嘉定三年三月九日以朝奉大夫權知當年十二月二十日宮觀

謝德輿

嘉定四年閏二月二十六日以宣教郎軍器監簿權發遣轉奉議郎六年二月二十七日除司農寺丞

宋鈞

嘉定六年四月十五日以朝奉郎太府寺簿權發遣十月轉朝散郎嘉慶八年三月四日除太府寺丞

魏大中

嘉定八年四月十一日以朝請大夫知嘉定九年十二月三日除福建運判

鄭之悌 嘉定十年二月七日以承議郎太府寺丞  
權知轉朝奉郎十二年二月除湖北提舉

薛叔灌 嘉定十二年四月十五日以承議郎監登聞  
鼓院權發遣轉朝奉郎當年七月致仕疾卒

許興裔 嘉定十二年十月二十日以承議郎諸軍審  
計司權發遣轉朝奉郎十四年十月三日致仕

王棠 嘉定十四年八月一日以承議郎幹辦諸司  
審計糧料院權發遣當年九月一日致仕

盧憲 嘉定十四年十月二十一日以承議郎權發  
遣次年轉朝散郎十六年九月除大理寺丞

趙立夫 嘉定十六年十月二十五日以朝散郎知大宗正丞兼  
刑部郎官覃恩轉朝奉大夫寶慶元年九月二日赴召

謝采伯 寶慶元年十月八日以朝議大夫  
知寶慶二年三月六日罷任

陸子適 寶慶二年十一月十五日以奉議郎太府  
寺簿權發遣紹定二年三月二十二日赴召

陳畏 紹定二年三月二十二日以朝奉大夫新  
知漳州改知紹定三年六月二十五日罷任

衛樸 紹定三年八月十六日以朝奉郎新  
知撫州改權知慶壽轉朝散郎四年九月十三日除太府寺丞

李彌高

紹定五年六月十七日以朝奉大夫太府寺丞權知紹定六年三月十七日轉朝散大夫四月十七日罷

趙汝捍

紹定六年四月十七日以朝散郎大理寺丞權知當年七月十九日除直寶章閣兩浙轉運判官

顏頤仲

紹定六年八月二十四日以朝奉郎將作監簿權知轉朝散郎端平元年九月十三日除司農寺丞

葛逢

端平元年十一月十三日以朝散大夫祕書省著作郎兼度支郎官知端平二年四月十五日除祕書省著作郎

王會

龍端平二年七月五日以承議郎祕書省著作郎兼尚左郎官權知三年四月二十七日除祕書省著作郎

趙汝柄

端平三年五月二十六日以奉議郎添差通判權知提舉神泉監嘉熙元年六月初一日罷任弟汝捍

萬一薦

嘉熙元年十二月十三日以朝散大夫軍器監丞權知三年二月二十六日以會子罷任

衛湜

嘉熙三年七月初六日以朝奉郎主管官告院權知四年九月轉朝奉大夫十二月二十六日赴召

趙與文

嘉熙四年十二月二十六日以朝散郎祕書省著作佐郎兼權倉部郎官除直秘閣權知淳祐元年二月二十一日別與州郡

王似

淳祐元年二月十四日以朝奉郎將作監丞知二年九月二十六日罷任



何處信

淳祐二年十二月初六日以朝議大夫知三年六月二十六日四罷罷

趙希樸

淳祐三年八月初三日以朝議大夫大理寺正知四年八月初一日除軍器少監

章大醇

淳祐五年二月初五日以前奉郎到任六年八月初六日轉朝散郎十月初四日除侍左郎官申審得旨

高斯得

淳祐七年三月初四日以朝奉郎著佐兼權禮部兼國史編修實錄檢討官到任續轉朝散郎八年六月除浙東提刑

趙孟傳

淳祐八年七月二十九日以宣教郎太府丞且實章差知闕到正祠便養陞實錄到任九年四月轉通直郎十月轉奉議郎十一月除刑部郎官

趙汝歷

淳祐十年六月初二日以奉議郎到任十二年三月轉承議郎十二年四月除司農寺丞

季鏞

淳祐十二年八月初一日以承議郎監都進奏院到任實祐二年八月十三日替

吳槃

實祐二年八月十三日以朝奉郎到任三年三月兼節制軍馬四年正月二十七日罷任

正倅題名

題名往年廢於煨燼紹興十年齊志行始爲之記起  
宣和三年迄嘉定三年凡四十八人刊石旣滿其後  
遂不復錄臨江章璞泣事之明年序次嘉定五年以  
後未書者九人刻石以續前作知州陳畏爲之記

陳次中

宣和三年四月一日以朝請郎  
到六年七月二十九日替

吳輝

宣和六年八月一日以朝議大夫  
到建炎元年七月初三日替

劉拱

建炎元年七月初三日以承  
議郎三年七月二十四日替

趙霈

建炎三年七月二十五日以左朝  
散郎到紹興元年八月十四日替

黃策

紹興元年八月十五日以左  
宣教郎到二年四月初二日替

朱發

紹興二年五月初七日以左朝  
議大夫到四年九月初十日替

曾綽

紹興四年九月十一日以右承  
議郎到六年十二月二十日替

吳任鈞

紹興六年十二月二十一日以  
左宣教郎到八年六月十日替

孫傳

紹興八年六月二十七日以左  
宣教郎到十年七月十四日替

齊志行

紹興十年七月十五日以左朝  
散郎到十二年二月十六日替

沈造

紹興十二年四月四日以左朝  
散郎到十二年五月十四日改差

洪光祖

紹興十二年七月十六日以右奉  
議郎到十四年十月二十八日替

鄭震

紹興十四年十月二十九日以右朝奉大  
夫直祕閣到十六年十一月二十七日替

沈大椿

紹興十六年十一月二十八日以右  
室教郎到十八年十二月初六日替

游其藩

紹興十八年十一月初六日以左  
朝請郎到二十一年三月初九日替

楊雲

紹興二十一年三月十九日以右朝奉郎到二十三年四月二十三日替

汪欽年

紹興二十三年四月二十三日以右朝議郎到二十四年九月十七日替

李洪

紹興二十四年十一月初二日以右朝散郎到二十六年十一月初十日替

宋惠壽

紹興二十六年十一月初十日以右朝請郎到二十八年四月初十五日替

薛冀

紹興二十八年七月初三日以右朝散郎到三十年正月二十日替

魏彥機

紹興三十年二月二十四日以右朝散郎到三十二年三月十三日替

司馬佖

紹興三十二年三月十三日以右朝奉郎到隆興二年三月二十四日替

孫次仲

隆興二年三月二十四日以右承議郎到乾道二年三月二十四日替

潘文孝

乾道二年三月二十四日以左朝奉大夫到四年四月十二日替

翟紘

乾道四年四月二十二日以右朝奉大夫到六年五月二十九日替

豐誼

請郎到當年五月初二日以左朝  
豐誼 乾道六年五月初二日以左朝

韓壘

郎到八年三月初七日丁母憂  
韓壘 乾道六年八月初七日丁母憂

薛侯中

議郎到九年七月二十六日以右奉  
薛侯中 乾道八年四月二十六日以右奉

張杓

教郎到淳熙三年正月十九日以宣  
張杓 乾道九年十二月二十九日以宣

溫鏗

大夫到五年三月初五日替  
溫鏗 淳熙三年正月十九日以朝奉

朱孝文

郎到六年十二月初五日承議  
朱孝文 淳熙五年三月初五日承議

樓城

散郎到七年二月十三日以朝  
樓城 淳熙七年二月十三日以朝

劉似

郎到七年四月十六日以承議  
劉似 淳熙七年四月十六日以承議

韓元象

郎到十一年四月十七日以奉議  
韓元象 淳熙十一年四月十七日以奉議

朱翬

奉郎到十三年三月十八日以朝  
朱翬 淳熙十三年三月十八日以朝

趙師愬

淳熙十五年四月以承議郎太常寺丞到該慶壽恩轉朝請郎十六年四月滿

趙師復

淳熙十六年五月以朝散郎到紹熙元年十一月該覃恩轉朝奉大夫二年三月除權發遣知全州

潘昌老

紹熙二年十月以朝直郎主管官告院到四年三月滿

任清叟

紹熙四年三月以朝奉郎太府寺丞到五年二月轉朝散郎慶元二年正月除尚書都官員外郎

何潤

慶元二年以朝請大夫諸軍審計司到四年二月滿

趙子懷

慶元四年二月以奉議郎到六年正月滿

張宗愈

慶元六年二月以朝奉郎提轉左藏庫到嘉泰二年二月詣

趙不撫

嘉泰二年二月以朝請大夫太府寺丞到四年三月滿

徐材

嘉泰四年以宣教郎大理司直到開禧二年三月滿六月省免次任

衛淮

寶慶元年十月以朝散郎到三年十二月滿

楊事

軍 紹定二年八月以朝奉郎大理評事到四年七月宮觀

斯澤

紹定四年八月以朝散郎國子監丞到當年九月除知南康軍

項容孫

紹定四年十月以承議郎添差通判平江府改任兼權州事五年六月改知德安府

趙汝栢

端平元年六月以奉議郎到專一措置修復神泉監鑄錢職事三年六月就除知州事提舉神泉監

郭石

石即端平三年十月以奉議郎大社令於當年十月到三年十二月六日該恩轉承議郎真熙元年四月十三以磨勘轉朝奉郎二年九月初十日改太學博士

陳叔遠

嘉熙二年十二月十九日以宣義郎太社令到三年十一月以磨勘轉宣教郎四年六月日丁母憂

章鑑

嘉熙四年八月二十日以承議郎提轄左藏庫到淳祐元年正月十九日丁母憂

孫夢觀

淳祐元年十二月十三日以奉議郎行武學諭二年四月十九日以疾丐祠主管台州崇道觀

趙與幹

淳祐二年六月三日以宣教郎行太社令到常年月內磨勘轉奉議郎三年六月廿六日自察論與祠七月初四日離任

趙時亭

淳祐三年九月十九日以朝請郎幹辦諸司糧料院到

趙崇恣

寶慶元年十一月二十一日以承議郎到三年六月二十一日改任

莫渙

寶慶三年八月二十九日以朝請郎到紹定元年四月二十一日罷

章璞

紹定元年九月二十一日以朝奉郎到三年七月三十日罷

李知先

紹定三年十一月初三日以朝奉郎到五年二月十三日替

曾黯

紹定五年十一月二十三日以朝奉大夫到元年七月二十六日赴都堂審察

武迪

端平元年十月十七日以中奉大夫到三年十二月初八日替

姜彌明

端平三年十二月八日以奉議郎到嘉熙二年正月二十六日改添差通判臨安府

魯之損

嘉熙二年十月日以朝請大夫到嘉熙四年十二月初七日替

武迪

嘉熙四年十二月初七日以中奉大夫到淳祐三年二月二十八日替

徐士持

淳祐三年十二月二十八日以朝奉郎到



張澄

淳祐五年三月初八日以朝奉郎到任七年六月初三日替

史望之

淳祐七年六月初三日以朝散郎到任八年十一月日除宗正寺簿

謝焮

淳祐八年十二月初三日以朝散郎到任十一月正月初三日新知岳州當日交割離任

吳溥

淳祐十二年正月初三日以奉議郎到任

孫一飛

淳祐十二年七月二十五日以朝散郎到任

宣毅

寶祐元年六月十三日以朝奉郎到任

陳崇

寶祐二年三月初九日以朝請郎到任以年三月二十三日替

朱逢

寶祐四年三月二十三日以朝奉郎到任

曾泉

淳熙十三年三月初三日以宣教郎到十五年十一月初九日丁憂

沈檝

淳熙十六年正月初九日以朝請郎到紹熙元年二月初二日罷

鄭益

紹熙元年四月十七日以朝奉大夫到三年五月二十一日替

陳序

紹熙三年五月二十二日以朝請郎到五年六月十八日替

俞洞

紹熙五年六月十九日以朝請郎到慶元二年八月二十一日替

王斐

慶元二年八月二十二日以朝請大夫到四年十一月二十日替

朱輔

慶元四年十一月二十一日以朝奉郎到六年十二月初八日替

趙善紀

慶元六年七月初九日以朝散郎到嘉泰三年二月初九日替

林谷

嘉泰三年二月二十七日以朝散郎到開禧元年四月二十九日滿

柴幾

開禧元年四月二十九日以承議郎到二年九月二十三日辭職官觀

張攀

開龍三年二月初八日以承議郎  
嘉定元年十二月初九日滿

胡埜

嘉定元年十二月初十日以奉議  
郎到二年十二月初十日滿

曾党

嘉定三年十二月二十二日以朝  
奉郎到嘉定 年 月 日滿

謝采伯

嘉定五年十二月二十二日以  
朝請郎到八年正月十六日替

李伯堅

嘉定八年正月十七日以承議  
郎到當年五月十三日丁母憂

俞遠

嘉定八年八月十六日以朝奉  
郎到十年七月二十三日替

高之問

嘉定十年七月二十四日以朝奉  
郎到十二年八月二十七日替

黃簡

嘉定十二年八月二十八日以承  
議郎到十四年六月初二日罷

朱增

嘉定十四年八月十七日以朝奉郎到  
十六年八月二十四日改通判鄂州

衛樸

嘉定十六年十一月二十八日以承議郎至  
賢慶元年十二月十九日滿差知江陰軍

添倅題名

桐廬郡丞去員外置置罷不常其或一二十年不置近  
又不俟代輒遷以是壁記不立嘉熙年間陳叔遠到  
官爲滿歲則按遺課訂他刻詢故老斷自劉公義而  
下以迄于今百年間可攷者二十有四人自

中興以來添差之員浸廣率多取諸班著視正員之  
選愈重有郭磊卿爲之記

朱去非

建炎三年三月以宣義郎直祕閣  
到紹興二年十二月除太常寺簿

韓淪

紹興二年十二月以右通直郎行司  
農寺簿到三年十月除知筠州

虞大有

紹興三年十月以左承議郎權尚書金部  
員外郎到四年八月除尚書禮部郎官

黎明

紹興四年八月以左宣教郎行大理司直到六年八月赴召

李子浩

紹興元年九月以左朝奉郎到九年正月除知海州

劉公義

紹興九年四月以右朝散郎到九月轉右朝大夫十一年八月滿

鮮于价

紹興十一年八月以右朝奉郎到十三年六月除監登門檢院

魏侯

紹興十三年七月以左承務郎行國子博士到當年十二月罷

楊持

紹興十三年十二月以左朝請大夫到十五年四月內丁母憂

趙宗遺

紹興十五年五月以右通直郎到十六年二月特除隨州觀察使

王周卿

紹興十六年三月以左宣教郎太常寺簿到十八年三月秩滿

沈長卿

紹興十八年三月以左通直郎將作監丞到十九年十月罷

章衡

紹興二十年三月以左朝議大夫到二十二年六月秩滿

鄭康

紹興二十二年六月以左宣教郎浙西提點刑獄司幹辦公事改任二十四年至月除太府寺簿

范端目

紹興二十四年六月以左奉議郎到

韓義古

紹興二十六年十月以右通直郎太社令到二十七年九月除諸司審計司

竇處容

紹興二十七年九月以右朝奉郎通判秀州兩易到二十九年八月除發遣臨江軍

戴舒

紹興二十九年九月以左奉直大夫到當年十二月除左中奉大夫三十一年九月滿

歐陽師古

紹興三十一年九月以右宣教郎直秘閣到隆興元年八月除廣西經略司參議官

危忠邁

隆興元年八月以左承事郎通判婺州改任乾道元年四月通判蒲

趙已傳

乾道元年四月以左教議郎大理評事到二年八月除太常博士

張次謙

乾道二年八月以左朝散郎到九月罷

萬俟若川

乾道三年九月以右承事郎直秘閣到五年十月赴召

俞琬

乾道五年十一月以左朝奉郎到七年十一月滿

吳逵

乾道七年十一月以承議郎到九年十一月除權知泰州

諸葛莘

淳熙元年二月以宣教郎太學正到三年五月除太學博士

陳嘉洪

淳熙三年五月以宣教郎到四年八月兩易通判泉州

顏發

淳熙四年十月以奉議郎太府寺簿到六年除司農寺丞

邵嗣復

淳熙六年十月以宣教郎秘書省著作佐郎到七年十一月除秘書省著作佐郎

張俊

淳熙七年以宣教郎到九年十一月滿

柴國器

淳熙九年十二月以承議郎到十年四月轉朝散郎襲封崇義公十一年十二月滿

韓修

淳熙十一年十二月以朝請郎玉牒所編修官到十三年十月除寶錄院檢討官

趙子覺

淳熙十三年七月以奉議郎到十五年二月改分差廣州權貨務





學校

至聖文宣王廟舊在城東南隅 國朝雍熙二年知

州田錫遷于城西北隅即廟建學表請入紙國子學

印經籍給諸生詔賜之還其紙 景祐中知州范仲

淹始建堂宇齋廡 慶曆中知州向俟奉 詔增廣

嘉祐中知州趙抃營置田租養士作詩以勉諸生且

有莫將榮悴泊於中之句 石刻見存 大觀中知州

李陞奉 詔重新廟學 宣和中頒降 御書殿榜

曰大成 紹興七年知州胡寅盡撤舊屋自殿堂廊

廡齋舍煥然一新但門徑屈折而東出 乾道五年

知州張栻悒然不滿屬學之南有志真廢尼寺故址  
悉舉以廣學宮於是學門南開門內有屋二十餘間  
就與民居日收賃錢添助養士續因寓公欲廣其居  
強將他處賃屋換易本學告于州 紹定元年知州  
陸子適於是撤去賃屋起造二亭東曰采井西曰擢  
桂杏壇在焉先是從祀列繪 殿上壁間淳祐改元  
知州王必謂無等差迺命工繪從祀于兩廡其前設  
板檻以肅 廟貌增創東西夾廊共二十四間俾歸  
齋升堂者毋褻 殿廡而出入是三年知州何處信  
以 殿廡繪像距庭砌猶覺逼隘又展拓近裏

由是嚴之學宮改觀矣有郡博士桂錫孫爲之記

州學養士自舊以七十人爲額學田以畝步計所收

租米四百三十五石三斗五升九合建德縣一百八十九石八斗二

升一合遂安縣二百六石一斗二升桐廬縣一十五石八斗一升八合壽昌縣二十三石六斗又六

月內州倉支接濟米二十石穀一萬六千五百四十

七斤三十八石六斗四升並建德縣又四石蘭溪縣錢歲收

二百五十貫令三十文祖絲錢二十一貫八百文建德縣一百九貫七百八十八文

遂安縣八貫二百五十七文桐廬縣三十三貫二百文壽昌縣七十七貫文又月收一千八

十五貫三百一十文貫地錢一十三貫二百九文樓店務石砂地錢七貫七百五十五

三文桐廬縣河渡三十三貫六百九十一文淳安縣河渡二十七貫二百九十六文分水縣河渡一貫四

百文壽昌縣河渡二貫九百六  
十一文本州養士錢一千貫文  
又日收五百文會九

百四十四文足都稅務納福昌店賃屋錢三十五文  
足五百文會賃屋錢九百九文六分

足租綃一十二疋粗絲八十六兩半淳祐二年七月

王監丞任內教授桂錫孫申照對本學養士錢從來

係使府給下二百貫文會補還魚池花利緣自十

七界會准朝省指揮作一百五十四文行用於是

舊會一貫比折新會二百兼之物價頓增如雞豚菜

茹樵薪之鬻五陪於舊所謂一貫舊會雖有二百新

會之名元無二百新會之實由此養士之貴太窘支

吾公厨蕭然每食不飽伏自鎮臨以來惠顧士類每

月共增作三百六十貫舊會身又於使帑特送四十貫舊會以助不足諸生拜賜可謂厚矣但本學公厨破食日以七十人爲額使府月得四百千每日計支十四貫會除前廊五人准太學例人給四百會食錢外止有十二貫會充七十人一日之用每人不及二百文會雖官價有三十餘鎰而物價無一節菜羹雖視昔甚爲有餘而視今則依前不足雖食死求飽固學者所甘心而飲食以將厚意乃監丞之夙心敢爲諸生有請欲乞台判自七月分爲始徑支新會二百貫庶養之者既至則教之者可行續奉王監丞

面諭今且以新舊各半支行餘留爲後來太守嘉憲之地自此月支六百貫三年知州趙寺正以封殖先正大卿棠陰每事從厚於學校尤加厚焉教授桂錫孫遂獲由前日二百貫新會之請自四年五月幫行於是士無權輿之歎前廓日人七百諸生日人五百

登科記

宗姓及童子武舉附

國家設科賜第新定自錢氏納土後太平興國三年

貢士之數蓋少五年賜蘇易簡已下及第二十三名

已前並授通判賜宴迎春苑

會要太平興國二年賜呂蒙正已下及並賜袍

芴又賜宴又

御詩此其始也五年賜蘇易簡已下及第七年賜王世則已下及第始分甲乙之科各賜

州身雖熙二年賜梁穎已下及第端拱元年賜蔡齊已下及第二年賜陳堯叟已下及第淳化三年賜孫

何以下及第印賜儒行篇咸平二年賜孫暨已下及第州率未有

預貢薦者三年賜陳堯咨已下及第州始薦建德鄉

王冕應貢破白鄉舉首登科嘉祐拾饗詔四歲一

舉或間歲一舉治平四年定制應貢者三歲解九人

增明經一人共爲十人崇寧行三舍法貢六人三歲并零分通二十人宣和五年復進士科三歲解十六人靖康渡江附流寓者解二人紹興二十六年詔罷西北流寓試併入土着視解額最少處參以前定終場人數率百人解一人而郡終場者千七百六十有一人於是通額十八人以爲定制而近歲士每慮數倍輒因碑所載訂于志

咸平三年陳堯咨榜

王冕

邵煥

童子科

景德二年李迪榜



葛昂

徐舜俞

孫敏

大中祥符五年徐奭榜

許墀

天禧三年王整榜

王言

許湜

天聖二年宋郊榜

王稷

天聖五年王堯臣榜

葛閱

邵炳

慶曆二年楊賓榜

吳仲舉 倪天秩

慶曆六年賈黯榜

胡楚材 倪天鎮

王庭堅

皇祐元年馮京榜

王庭筠 項隨

胡英材

皇甫朝光

湖學

胡之彥

皇祐五年鄭獬榜

邵景初 王中敏

盛僑

許升卿

包舜賓

嘉祐二年章衡榜

方仲謀

徐任

包廓

嘉祐四年劉輝榜

陳向

嘉祐六年王俊民榜

顧中

喻房

嘉祐八年許將榜

項陟

葉浚

治平二年彭汝礪榜

皇甫師中

治平四年許安世榜

江公著 方蒙

熙寧六年余中榜

舒煥

鄭弁

許大希

王知元

江公望

熙寧九年徐鐸榜

吳儔

績中  
賢良一

元豐二年時彥榜

胡希

王澤

江公佐

吳純

元豐五年黃裳榜

吳陶

王沃

元豐八年焦蹈榜

倪直侯

余寬

倪直孺

范寔

姜周臣

徐儵

元祐三年李常寧榜

方行可

元祐六年馬涓榜

方鼎

江公明

方參

徐舜元

元祐九年畢漸榜

包雄

王禹得

朱巘

舒彥舉

紹聖四年何昌言榜

胡之輔

邵嘉言

元符二年

朱戡

銓試優等賜進士出身

元符三年李益榜

方逸

李淳

詹林

江公亮

崇寧元年

王昇

左丞陸佃以學行薦賜諸州教授先授湖州次擢壽州教授

崇寧二年霍端友榜

王大年

詹至

胡獻可

胡國瑞

盛良貴

方閏

徐敏中

詹大聲

崇寧三年幸太學賜上舍生鄭南以下釋褐

方聞

釋褐

崇寧五年蔡薺榜

王縉

分水  
諫

邵愈

朱彪

察院

郎申之

大觀二年幸太學賜貢士王俱十四人釋褐

葉天倪

大觀三年賈安宅榜

葉天將

方閔

王朴

王彥中

詹公著

胡端平

詹之綱

姜師仲

皇甫存

後以孝悌二行舉政和五年  
狀元何栗榜賜進士出身

政和二年莫儔榜

葉義雄

江邈

翁範

朱異

吏部郎中

王禹同

政和二年辛太學賜貢士陳公輔十九人釋褐

葉三省

政和五年何臬榜

方元若

邵嘉瑞

唐濟

喻彥先

范大亨

翁開

傅巖叟

詹大方

徐時中

政和八年嘉王榜



黃大和

王大卞

邵大受

翁由

詹千之

唐處仁

詹大和

鄭滋

詹天秩

方慤

宣和三年何渙榜

陸時雍

汪舜俞

宣和六年沈晦榜

賜御製詩

詹棫

吳弁

葉義應

唐友仁

詹檉

郎希周

錢公舉

胡國佐

建炎二年李易榜

盛光祖

吳震

倪成修

方元昭

喻榜

葉義問

樞密

紹興二年張九成榜

王郊

范堦

邵拱

洪基

鄴伸之

張綱

魏公啓

王允明

紹興五年汪應辰榜

王日勤

王日休

方邁

余執度

江修

紹興八年黃公度榜

葉義權

喻仲遠

紹興十二年陳誠之榜

葉真卿

邵延孫

項忱

方序

詹百之

王若訥

紹興十五年劉章榜

洪嘉瑞

黃安仁

紹興二十一年趙逵榜

唐友聞

詹儀之

汪虛中

紹興二十四年張孝祥榜

范端臣

上舍胡當可

馬大同

陳太鼎

紹興二十七年王十朋榜

方聞一

唐庭堅

胡一之

鄧朴

上舍

胡南逢 王覺民

紹興三十年庚辰梁克家榜

趙彥逾觀文葉允升 朱大和

隆興元年癸未木待問榜

王椿上舍徐衡上舍方玠 方有開

王恬國學徐孝恭 何焯 姚舜陟

乾道二年蕭國梁榜

趙彥肅復齋先生余宰 方懋恭 鄧光上舍

翁孟麟 方應之 余仁時

乾道五年鄭僑榜

姜大中 上舍 方括

詹淵

方懋烈

童諤

乾道八年黃定榜

胡朝穎

淳熙二年詹駸榜

詹劬之 王粵

方壯猷

邵夢得

淳熙五年姚穎榜

方岳 趙進夫

顏紱

邵朴

淳熙八年黃由榜

鄭紹伊

趙伯友

朱承孫

姜石

方奇之

淳熙十一年衛涇榜

洪彥華

王中純

淳熙十三年

高宗慶恩出官

王中實

上舍釋褐

淳熙十四年王容榜

鄭燁

盧南一

王中虛

周炳然

余光大

紹熙元年余復榜

邵纘

上舍

方佃

洪琰

國學

洪璞

國學

吳初 國學 翁寧

趙彥迥

趙不嫁

葉諫

紹熙四年陳亮榜

王允升 國學 唐炎

任體

項肆 國學

張松 黃茂 國學

慶元二年鄒應龍榜

王臨 國學 朱仲河 上舍 邵伯麟

方強 國學

慶元五年曾從龍榜

周師成 鄭誨

童興宗 上舍 邵一飛

嘉泰二年傅行簡榜

滕承孫

許大聲國學盧端誼國學葉子儀

方賜復

開禧元年毛自知榜

洪夢良

方秘

邵源

趙師緘

趙汝端

趙彥巖

趙儂夫

魁取應

嘉定元年鄭自誠榜

胡誠一

馬高

王三錫

方甫

嘉定四年趙建大榜

柴銳

國學

方萬里

國學

趙瓊夫

嘉定七年袁甫榜



吳應酉

詹仁澤

內舍林炎

趙槩夫

方淳

葉夢符

王立中

上舍王直

國學

嘉定十年吳潛榜

鄭希呂

余大淵

趙希選

鄭穎

國學

嘉定十三年劉渭榜

金友龍

嘉定十六年蔣重珍榜

鄭聞

國學

周高

國學俞誠一

國學今

趙師緯

名公明

寶慶二年王會龍榜

洪夢炎

余肆

葉微

馬登龍

葉端平

趙孟修

趙師緝

趙燿夫

趙汝綰

趙汝得

趙彥岳

紹定二年黃朴榜

方應旗

汪自強

洪牧

胡伯驥

紹定五年徐元杰榜

江時舉

洪揚祖

上舍姚夢用

李濬

端平二年吳叔告榜

江應發

趙由迪

嘉熙二年周坦榜

邵應豹

林旂

上舍

方若

吳季子

王鉉

何應旂

方洪

趙綵夫

淳祐元年徐儼夫榜

邵甲

翁應弼

黃宗仁

洪松龍

淳祐四年留夢炎榜

余夢洪

胡夢魁

舒文龍

國學

人物

江公望字民表郡人崇寧初任左司諫抗疏極論時政及宮禁事皆人所難言者坐廢終身全名偉節終始不渝天下高之紹興元年詔贈右諫議大夫官其後二人

詹良臣字唐公郡人敦淳有節操年七十二以特秦名爲處州縉雲尉方臘起歛嶺且犯處君以數十百人獨守或謂盍去諸君曰食焉不避其難吾官以逐盜爲名必死之力不敵被執賊脅降君怒罵賊賊忿恚割君

肉使自啖君且吐且罵垂死罵不止賊平  
追錄死事贈通直郎官其子孫三人時長  
子大方已仕矣後終於簽書樞密院事

王昇字君餞郡人博洽多識尤邃禮易家居不仕  
以尚書左丞山陰陸公薦特起於家遂歷  
禮官晚以徽猷閣待制還鄉里知數預語  
人以將死紹興二年無疾而卒年七十九

王縉字子雲郡人天資忠厚事親從兄誠意篤密  
訓敕子孫有法與諫議江公皆以風節論  
議顯於世為鄉里所重其權侍御史遷

司諫知無不言每謂人才實難多事之際  
尤宜爲 朝廷愛惜以故不專彈擊而惟  
論安危大計興所以啓悟 君心者

光堯太上皇帝嘗以中正不阿得諫臣體  
稱之退歸幾二十載恬然自樂年八十七  
一日語其家人曰心中無一事時至可矣  
夜分而逝

碑碣

大廳記三

一唐刺史李道古撰

石廢  
記傳

一國朝知州田錫撰

今不存

一將作監丞知桐廬縣刁布撰

石廢  
記傳

文宣王廟碑 雖熙三年知州田錫文

石廢  
記傳

城隍廟碑 唐刺史呂述文開成五年立

在本廟

龍興寺碑二

一唐開元三年台州刺史康希銑文

石經火  
不存

一唐大中十四年潤州刺史蕭定文

今不存

唐烏龍山許尊師孝感瑞芝記 上元二年鄉貢進

士何源述

舊經止云龍興觀碑今石在  
天慶觀文詞字畫皆可喜

唐烏龍山有道先生許公碑正

本字犯  
仁宗嫌名

元十一

年江夏李師尚文

舊經亦云龍興觀碑今石在天慶觀其稱許公

者道士也其徒私以有道之號謚之

嚴先生祠堂記景祐元年高平范仲淹述邵踈篆

經方臘之亂不存宣和七年知州凌唐佐

重刻于石

紹興八年知州董弁又得吳興張有篆刻于邵篆之陰在高風堂

州學進士登科記嘉祐三年殿中侍御史知州趙

抃撰

在州學

靈香閣記熙寧五年集賢院學士知杭州蘇頌撰

在建德縣衙

新作浮橋記治平三年會稽錢勰撰

石廢記傳



知州題名記紹興四年瀟山朱翌撰

在大廳

放生池記紹興十四年左朝奉大夫主管洪州玉

隆觀姜師中撰

在湖心法言寺

均減丁稅記乾道九年知州詹亢宗撰

在大廳東

瑞粟圖記淳熙十二年知州陳公亮撰

新建貢院記淳熙十三年知州陳公亮撰

在貢院

圖經卷第一